

# ШАРКАН КОММУНА

Дуныз 5 коны

Редакциялэн адресыз: Шаркан село, Советской урам, райзолэн коркаез

6-ти арзэ потэ

## Етін кизёнэз организовать кароно

Райзолэн сётэм сводкаез'я 28 апрелёзь районамы одйг гектар но етін киземын ёвёл. Сыче урод ужез, етінэз дун'ятэк учкеменызы сяна, мукет сямен, нокизы но вераны уг луы.

Етін кизён сярысь райзо куаретытэк улэ. Уно колхоз'ёсын васильевской звеноос кылдытэмын. Со звеноос туннэ нуналлы райзолэн агроном'ёсыныз вунэтэмын.

Удмуртиысь етін ужлэн мастерез—орден нуллысь Васильева эш но солэн звеноез 1937 арын гектарысь 15 центнер етін мертчан басытыны обязательство сётса, Удмуртиысь етін бордын ужась вань звеноосты, бригадаосты но колхоз'ёсты 1937 арын гектарысь 15 центнер етін мертчан бастон понна нюр'яськонэ ётйызы.

Васильевалэсь вазиськемзэ уно колхоз'ёсын проработать карыса, ужрад'ёс пусйылызы вал. Со пусйылэм ужрад'ёсты уж вылын быдэстон бордын нокин но уг ужа, сое „простой бумагалы“ берыктйызы.

Сельсовет'ёслэн председателёссы етін бордын

ужась звеноосты тодо ке но, туннэ нуналозь асьсэ ужазы пунктэмын ёвёл. Сыче уж соин луэмын, кизён кампания врасплох застать к а р и з . Сельсовет'ёслэн председателёссы большевистской мылкыдэн ужез организовать карон интые, растеряться кариськизы. уноез на лаврах почить каро.

Азыланьын урод уж'ёс медаз луэ ни. Тысё культураосын чаш ик, етін киземын луыны кулэ. Муз'емлэн котэз ёжыт, етін нырысь будыкуз котэз яратэ. Соин ик, муз'емын котэз вань дыр'я етінэз кизёно.

Кылем аре етін кизыны урод муосыз кельтылызы, отын етін но урод вал. Туэ аре сыче уж'ёсыз лэзёно ёвёл ни. Етін умой му вылэ киземын мед луоз. Етін киземлэсь мынэмзэ эскеронэ райисполкомлэн уполномоченнойёсызлы но сельсовет'ёслэн председателёссылы бадзым саклык вис'яно.

Етінэз дун'ятэк учконлы пум пононо. Етін бордын ужась звеноосты асьсэ уже кутыса, етін бордын ужаны али ик умой кутсконо.

## ТРЕВОЖНОЙ СИГНАЛ

1937 арын тулыс ю кизён государственной план сярысь УАССР-ысь Совнаркомлэн пунктэмаз тазы гожтэмын. „...сызыл гырса кельтэм муз'емез тулыс вазь ус'яноз но умой-умой обработать каронэз быдэстыны косоно. Со куспын ик секыт но дәри луыса чурят куасьмем интыосын муз'емез, лазег гырем зябез, озы ик сызыл кын улэ бер гырса кельтэм муз'емез вылись гыроно но ус'яно. Мукет почваосын кын улэ гырыса кельтэм вань муз'ем бусы уж'ёслэн нырысь нунал'ёсазы ик культивировать каремын луыны кулэ“

Совнаркомлэн кутэм решениистьыз колхоз'ёслэн председателёссы валаллямтэ, агротехникаез тйяса ужало. Шаркан сельсоветысь „Идеал“ но Собино сельсоветысь „Кр. партизан“ колхоз'ёсын кын улэ гырем интыосты культивировать карытэк кизё.

Ю-нянълэсь удалтонзэ жутыны кылынызы гинэ супылыто. Уж вылын чиданы луонтэм урод ужало. Та колхоз'ёслэн председателёссы партилэн но правительстволэн решенииосылы пумит мыныса ужало. Сыче уж, классовой тушмонлы юрттыса ужам луэ.

Агротехникаез тйяса ужаны нокинылы право сётэмын ёвёл. Каждной колхоз'ёслэн председателёссылы умой ужаны право сётэмын.

Первичной партийной организациослы, сельсовет'ёслэн председателёссылы но отысь уполномоченнойёслы культивировать каремез эскеронэз умой организовать кароно. Азылачаз культивировать карытэк кизыны лэзёно ёвёл. Коть кыче пёртэм вредной практикаослы юн пезьдэ сётыса, бусыосы большевистской порядок лэсьтоно.

## РСФСР-е пырысь автономной республикаосысь парторганизациосты ВКП(б)

### ЦК-лы мечак подчинить карон сярысь

#### ВКП(б)-лэн Центральной Комитетэзлэн пунктэмез

Бурят-Монгольской, Дагестанской, Кабардино-Балкарской, Калмыцкой, Карельской, Коми, Марийской, Мордовской, Немцев-Поволжья, Северо-Осетинской, Удмуртской, Чечено-Ингушской но Чувашской ав-

тономной республикаосысь партийной организациослэсь ВКП(б) обком'ёссэс 1937 арын 1 июлысен ВКП(б) Центральной Комитетлы мечак подчинить карон порядок тупатано.

#### ВКП(б) ЦК.

### Дон но Кубань валэс ю кизензэс быдтизы

Донысь но Кубанысь колхоз'ёс тысё валэс ю кизён планзэс 24-ти апрелёзь быдэстйызы. Кылем арын та нуналозь 82,4 процент-

лы сяна киземын ой вал на.

67 район'ёс тысё валэс ю кизён планзэс мултэсэн быдэстйызы.

## Нормаоссэс ятырен быдэс'яло

(Телефон пыр басьтэмын)

Баляровской МТС-лэн 12 номеро бригадаысьтыз трактористка Бехтерева Пелагия одйг сменаын 5,65 гектар гыриз.

Умой ужамез понна Бехтеревалы горд флаг сэтэмын.

3 номеро бригадаысь тракторист Перевозчиков Андрей Андреевич 6,5 гектар гыриз.

Бехтерева но Перевозчикова азыланаз эшшо умой ужан кылзэс сётисы.

ВАХРУШЕВА.

—\*—

## Массовой уж умой пуктэмын

Т и т о в о сельсоветысь „Путь Ильича“ колхозын тулыс кизён умой организовать каремын. Нырысетй бригадаысь гырысьёс—Кузнецов Иван но Кузнецов Михаил нормаоссэс ятырен быдэс'яло.

Бригадаен бригада Чошатскыса ужало. Кажной бригадаын борд газет поттыло. Умой ужа доска новостей. Бусыын ужакузы чыдэтскон дыр'язы шара газет'ёс лыдзыло.

Колхозын кыктэти огазын сиськон организовать каремын. Колхозник'ёсты нуналлы кыкпол сюдо. Сионзы умой. Кажной бригадаын нырысетй м а й праздники дасяськон ужмын.

Н. Ф.

—\*—

## Ремонт кулез'я оз ортчы

Кизыны потэмлэс азыло вань трактор'ёслы государственной приёмка ортчыз. Нош Шаркан МТС та приёмка шоры чиньы пыртйз учкиз.

Басьтом таце примерез. Казэсс сельсоветэ кык трактор ыстэмын вал. Одйгез СТЗ но мукетыз ЧТЗ. ЧТЗ тракторлы перетяжка лэстымтэ. Соин ик, Перевозчиков тракторист 20-ти апреле со тракторен ужаны оз быгаты.

НАГОВИЦЫН.

## Ку умой ужаны кутскоз?

Куатетй толэзь ортче ни Марковалэн Сосновка клубын заведующой луыса ужамез. Озы ке но, солэн но кыче ужез уг адскы. Клубын но кыче культурной уж организовать каремын овбл. Культурной вечер'ёс но постановкаос одйгпол но ой вал на. Куке клубе мыниськод ке, со котьку ик замокен чогамын луэ. Клубной ужез умой пуктон интые, Маркова вань дырзэ калгыса но изыса ортчытэ.

Озы клуб ужзэ ас эрказ лэземениз, клубысь занавеска но вань штораос



Сосновкаысь лыдзон корка

ышемын. Нош со ышем социалистической ваньбур понна, Маркова, кыче ке коть ответственностьсэ шодэ-а? Верано луэ, одйг пичи но уг.

Маркова лыдзон коркалэсь но ужзэ умоятон понна уг сюлмаськы. Лыдзон корка литератураен туж куанер, уката но выль литератураос ичи. Борд газет уг пота. Укно син'ёс пилиськылэмын. Лыдзон корка но чем дыр'я замок улын улэ.

Марковалэн колхоз'ёсын но культурно-массовой уж нуэмез уг поты. „Кулэ ке асьсэос массовой ужез лэстыозы“ шуса колхоз'ёсы потамлэсь пыкиське.

Тулыс кизёнэз умой ортчытыны, Маркова „Липовка“ колхозэ юнматэмын вал. Нош со уй вётын но отчы ветлон сярсы оз малпалляськы на.

Маркова сельсоветской борд газетын редактор луэ. Нош газет поттон понна чик оз малпалляськы на.

Юано луэ, уг керпеты-а Маркова тэк улыны?

Л. ВАСИЛЬЕВ.

## Тодмотэм'есызлы вуз'ес овол

Котькин но Сосновка сельполэсь ужзэ тодэ. Отын растратаос ичиомем интые соос арысь-аре йыло. Соин ик калыкез кулэ луись вуз'ёсын обеспечить карыны уг быгато. Сельполэн председателезлы яке вуз карисьлы тодмо оз ке луы, вуз шедьто шуса эн малпа.

Сосновка сельпо аслаз отделениосаз мануфактураосыз но пызьёсыз уг лэз'я.

Басьтом, Петунька лавкаез. Отчы пызь уг вуллы. Отысь дышетйсьёс пызьтэк пуко. Котомцев Сосновка сельсоветысь председателы Двиняниновлы но секретарезлы Семкинлы вис карытэк котыр 2 мешокен пызь сёт'яса улэ. Озын тодмосызлы люкылонназ музон отделение шедьысь дышетйсьёсты нянен обеспечить карыны уг быгаты.

СИН-ПЕЛЬ.

## КЫКВА СЕЛЬПО КИЗЕН ПАЛА ОЗ БЕРЫТСКЫ

Тулыс кизён вакытэ вань сельпоос вуз'ёсыз колхозник'ёслэн ужан дортйзы нуллыны кулэ вал. Нош Кыква сельполэн председателез Куртеев сое валамтэ. Вузэныз одйгпол но бусые оз пота на.

Бусыын вузкарымтэезлэсь мугзэ вал'ёс овблэн Куртеев, валэктныны выре. Нош умой-умой ке эске-

роно, уж воксё мукет сямен пуксе.

Кыква сельполэн бусые поттоно кадь вузэз чик овбл. Карамель, печение, махорка но мукет сыче нырысь кулэ луись вуз'ёсыз басьтэмед потйз ке, шедьто шуса ноку но эн малпа. Озы ик смазочной-ёссы но овбл. КОЛХОЗНИК.

Редактор ЩЕРБАКОВ.